

“Pelukeronan contra Aids” den pleno accion riba Dia Mundial di Aids



ORANJESTAD – Diaranson ultimo, dia cu a ser conmemora Dia Mundial di Aids, fundacion E faro cu ta fungi como grupo di sosten pa e personanan infecta of afecta cu e virus HIV/Aids na Aruba, tabatin su actividad conoci como: “Pelukeronan

contra Aids”. Pa di tres aña consecutivo cu e fundacion E Faro cu tin cuater aña di existencia ta organisa e actividad aki ta un fundraising pa e fundacion importante aki. “Pelukeronan contra Aids” a tuma luga na dos diferente y prestigioso pelukeria cu a uni na e obra humanitario aki, nan ta: Cache Boutique; y Marietta's Unisex Beauty Shop. Tanto hende homber como hende muhe a bay corta nan cabey gratis y libremente duna nan aporte pa e bon obra aki cu e Fubndacion E Faro ta haci pa duna sosten na e victimanan di Aids. Durante e actividad aki material di informacion ta ser reparti pa asina conscientisa nos hende riba e problematica mundial di Aids.

